

Siusinaartumik pensionisiat pillugit Inatsisartut inatsisaat pillugu Namminersorlutik Oqartussat nalunaarutaat

Matumuuna siusinaartumik pensionisiat pillugit Inatsisartut inatsisaat nr. 40, 9. december 2015-imeersoq, Inatsisartut inatsisaanni nr. 19, ulloq 28. november 2016-imeersumi, Inatsisartut inatsisaanni nr. 40, 23. november 2017-imeersumi, Inatsisartut inatsisaanni nr. 6, 27. november 2018-imeersumi, Inatsisartut inatsisaanni nr. 28, 28. november 2019-imeersumi, Inatsisartut inatsisaanni nr. 6, 19. november 2020-meersumi, Inatsisartut inatsisaanni nr. 7, 19. november 2021-meersumi, Inatsisartut inatsisaanni nr. 9, 20. juni 2022-meersumi, Inatsisartut inatsisaanni nr. 18, 21. november 2022-mersumi aamma Inatsisartut inatsisaanni nr. 36, 13. juni 2023-meersumi allanngortinneqartoq nalunaarutigineqarpoq.

Kapitali 1

Aalajangersakkat nalinginnaasut il.il.

§ 1. Siusinaartumik pensionisanik pisartagaqarnissamut pisinnaatitaanermut, qinnuteqartup danskisut innuttaassuseqarnissaa piumasaqaataavoq.

Imm. 2. Tamatumanili atuutinngilaq:

- 1) Inunnut Isumaginninnikkut isumannaallisaaneq pillugu Nunat Avannarliit isumaqatigiissutaanni pineqartunut.
- 2) Inunnut qinnuteqarneq sioqqutilaarlugu sivikinnerpaamik ukiuni pingasuni Kalaallit Nunaani aalajangersimasumik najugaqarsimasunut.

§ 2. Siusinaartumik pensionisiaqalerniarnermut piumasaqaataavoq, qinnuteqartup Kalaallit Nunaanni, Nunat Avannarliit arlaanni imaluunniit nunami EØS-ip isumaqatigiissutaanik akuersisimasumi aalajangersimasumik najugaqartuunissaa.

§ 3. Siusinaartumik pensionisiaqalernissamut piumasaqaataavoq, 15-inik ukioqalernermiit aammalu maleruagassat atuuttut toqqammavigalugit utoqqalinermi pensionisiaqalernermiit sivikinnerpaamik ukiuni pingasuni Kalaallit Nunaanni, Danmarkimi Savalimmiuniluunniit aalajangersimasumik najugaqarsimanissaq.

§ 4. Inatsisartut inatsisaanni matumani aapparisaaq naatsorsuunneqartoq tassaavoq siusinaartumik pensionisiaqartup katissimallugu aapparisaa, nalunaarsukkamik aapparisaa, imaluunniit katissimanermut assingusumik sivikinnerpaamik ukiumi ataatsimi aapparisimasaa.

Imm. 2. Aappaasoq isumaginninnerup iluani ulloq unnuarlu angerlarsimaffimmut aaliangersimasumik najugalittut nuuppat, siusinaartumik pensionisiaqartoq kisimiittutut isigineqassaaq.

Kapitali 2

Pisartagalersinnaaneq katersisarnerlu

§ 5. Inuit 18-inik ukioqalersimasut taamaattorli sulisinnaassutsimikkut timikkut tarnikkulluunniit innarlerneqarsimasut, siusinaartumik pensionisanik pisartagaqalersinnaatitaapput.

§ 6. Siusinaartumik pensionisiat inunnut timimikkut imaluunniit eqqarsartaatsimikkut ataavartumik innarlerneqarsimasunut pisartagarilersinneqarsinnaapput.

§ 7. Tamakkiisuusumik siusinaartumik pensionisiaqarsinnaatitaassagaanni, piffissami 15-inik ukioqalernermiit siusinaartumik pensionisiaqalersinnejnarneq sioqqullugu Kalaallit Nunaanni, Danmarkimi Savalimmiuniunuunniit sivikinnerpaamik piffissap 5/6-anijajugaqarsimanissaq piumasaqaataavoq. Tamakkiisuusumik siusinaartumik pensionisiaqalernissamut piumasaqaat eqqortinnejqarsimanngippat, siusinaartumik pensionisiat aningaasartaasa amerlassusiat piffissap najugaqarfiusimasup aamma 15-inik ukioqalernermiit pensionisiaqalersinnejnarneq sioqqullugu piffissap 5/6-ia tunngavigalugit aalajangersarneqartassapput.

Kalaallit Nunaata, Danmarkip imaluunniit Savalimmiut akornanni kommuninut nuunneq

§ 7 a. Innuttaasoq Kalaallit Nunaanni kommunimiit Danmarkimi imaluunniit Savalimmiuni kommunimut nuuppat, aamma innuttaasoq Inatsisartut inatsisaat una naapertorlugu siusinaartumik pensionisanik pisartagaqarpal, kommune qimanneqartoq paassisutissanik attuumassuteqartunik kommunimi nuuffigisami pensionisanik suliaqarnermi atorneqartussanngorlugit kommunimut nuuffigineqartumut avitseqatiginnissaaq.

Imm. 2. Suliamut paassisutissat attuumassuteqartut qallunaatumut nutsertinnejqarnerannut aningaasartuutit kommunimit qimanneqartumit akilerneqassapput.

§ 7 b. Siusinaartumik pensionisanik pisartagaqartoq Kalaallit Nunaanni kommunimiit Danmarkimi imaluunniit Savalimmiuni kommunimut nuuppat, kommunimi nuuffigineqartumi annikinnerpaamik imaluunniit akunnattunik siusinaartumik pensionisanik pisartagaqartup siusinaartumik pensionisani qaammatit 12-t tikillugit attatiinnarsinnaavai.

Imm. 2. Piffissami imm. 1-imi taaneqartumi siusinaartumik pensionisiat akuerineqartut nalilorsorneqaqqissangillat allanngortinnejqarlutilluunniit.

Imm. 3. Siusinaartumik pensionisanik pisartagaqartoq qaammatit siullit 12-it iluanni kommunimi nuuffigineqartumi siusinaartumik pensionisanik pisartagaqalernissaminik akuerineqarpal, Kalaallit Nunaanni kommunimut siusinaartumik pensionisiat akuerineqartut atorunnaarsinnejqassapput.

Imm. 4. § 33-mi, imm. 1 naapertorlugu siusinaartumik pensionisanik pisartagalik kommunimi nuuffigineqartumi siusinaartumik pensionisanik pisartagaqalernissaminik akuerineqaruni, Kalaallit Nunaanni kommunimut qimanneqartumut nalunaaruteqarnissaminut pisussaaffeqarpoq.

§ 7 c. Danmarkimiit siusinaartumik pensionisianik pisartagallit aamma Savalimmiuniit qaffasinnerpaanik siusinaartumik pensionisianik pisartagallit sulisinnaassuseqanngitsut imaluunniit annikitsuinnarmik sulisinnaassusillit nunatsinnut nuukkaangamik Kalaallit Nunaanni kommunimi nuuffigisaminni ingerlaannartumik qaffasinnerpaanik siusinaartumik pensionisianik pisartagaqalersinneqassapput.

Kapitali 3

Qulaajaanermik ingerlatsineq aamma piginnaanngorsaqqiineq

§ 8. Qinnuteqartoq sulisinnaassutsimi ilanik suli pigisaqqilarsinnaanersoq paasiumallugu, siusinaartumik pensionisiaqalersitsinissap isummerfiginnginnerani periarfissat suliamut attuumassuteqartut tamarmik misissorneqassapput.

Imm. 2. Siusinaartumik pensionisiaqarnissamik qinnuteqartut tamarmik qulaajaafffigineqassapput. Qulaajaanermi qinnuteqartup piginnaasai misissuiffigineqassapput, qinnuteqartullu piginnaanngorsaqqinnermik ingerlataqarnermigut sulisinnaassutsini tamakkerlugu sulisinnaassutsilluunniit ilaa angqqissinnaaneraa aalajangiivigineqassaaq.

Imm. 3. Qulaajaanernut piginnaanngorsaqqinnernulluunniit najuutningginnermut aamma peqataannginnermut kinguneqartitsinissat pillugit malittarisassanik erseqqinnerusunik Naalakkersuisut aalajangersaasinnaapput.

§ 9. Sulisinnaassuseq inuup pineqartup immikkut suliniuteqarfingineqarneratigut ineriertortinneqarsinnaasoq kommunalbestyrelsip qulaajaasoqarneranut atatillugu nalilersimappagu, taava kommunalbestyrelse tamanna pillugu aalajangiissaq qinnuteqartorlu piginnaanngorsaqqinnissamut innersuullugu.

Imm. 2. Inummut ataatsimut naleqqussakkamik piginnaanngorsaqqinnissamik ingerlatsineq aqqutigalugu sulisinnaassuseq massakkuugallartoq ineriertortinneqarsinnaanngitsoq kommunalbestyrelsip nalilerpagu, taava paassisutissat tigummineqareersut tunngavigalugit piginnaanngorsaqqinnermik ingerlatsinerup kinguartinneqarnissaa aamma siusinaartumik pensionisiaqartitsinissaq pillugu kommunalbestyrelse aalajangiissaq. Piginnaanngorsaqqinnermik ingerlatsinissap kinguartinneqarnissaa pillugu aalajangiinerup kingorna, kingusinnerpaamik ukiup 1-p qaangiunnerani, kommunalbestyrelsip suliaq nalilersoqqissavaa.

Imm. 3. Qinnuteqartoq sulisinnaassuseqanngitsoq, piffissamilu ungasinnerusumi sulisinnaassutsiminik ineriertortitsisinnanngitsoq qulaajaanermut atatillugu upternarsarneqarpat imaluunniit immikkorluinnaq pissutsit takutissinnaapassuk, piginnaanngorsaqqinnissaaq ingerlanneqaqqaanngikkaluartoq siusinaartumik pensionisiaqartitsinissaq pillugu kommunalbestyrelse aalajangiissaq.

Kapitali 4

Siusinaartumik pensionisiaqarnermut maalaaruteqartarfik

§ 10. Sulisinnaassuseq pillugu naliliinermut sumulluunniit attuumassuteqanngitsumik naammagittaalliuutinik qitiusumik suliaqartussanik siusinaartumik pensionisiaqarneq pillugu

naammagittaalliuuteqartarfimmik Naalakkersuisut pilersitsissapput.

Imm. 2. Siusinaartumik pensionisiaqarneq pillugu naammagittaalliuuteqartarfiup suleriaasissaanut naammagittaalliuuteqartarfiullu sulinissaanut, kiffartuussinikkut anguniagassaanut, piffissamilu atuuffiusumi naammagittaalliuuteqartarfiup siulittaasuanit innersuussisoqareerneratigut naammagittaalliuuteqartarfiup ilaasortaasa soraarsinnejartarnissaat pilligit kiisalu naammagittaalliuuteqartarfiup ilaasortaanik akissarsisitsisarnissaq pillugu Naalakkersuisut aalajangersaassapput.

§ 11. Siusinaartumik pensionisiaqartitsisarneq pillugu maalaaruteqartarfik siulittaasoqassaaq inatsisilerituutut ilinniagaqarsimasumik, allanillu marlunnik ilaasortaqassalluni. Siulittaasoq aammalu ilaasortat ukiut sisamat atuuttussanngorlugit toqqarnejartassapput. Siusinaartumik pensionisiaqartitsisarneq pillugu maalaaruteqartarfiup suliffeqarnikkut, isumaginninnikkut, peqqissutsikkut, ilinniartitaanikkut aammalu nakorsaqarnikkut immikkut ilisimasaqartuussapput. Siusinaartumik pensionisiaqartitsisarneq pillugu maalaaruteqartarfimmi ilaasortat inuttut suliffeqarnikkullu immikkut ilisimasatik toqqammavigalugit toqqarnejartassapput.

Kapitali 5

Sulisinnaaneq pillugu sulisinnaassutsillu nalileqqinneranik, uppernarsaasiineq aalajangiinerlu

Sulisinnaassutsimik nalilersuineq

§ 12. Qinnuteqaateqartup sulisinnaassusaa nalilersuiffigeriarlugu pineqartup tamakkiisumik sulisinnaassusiata procentia naatsorsorneqartassaaq.

Sulisinnaassutsip nalilersoqqinneqarnera

§ 13. Siusinaartumik pensionisiallit 60-it inorlugit ukiullit, sulisinnaassusiat ukiut tallimakkaarlugit nalilersuiffigineqaqqinnejartassapput.

Imm. 2. Siusinaartumik pensionisiaqartitsinermi akissaatit allanngortinneqaratik ingerlatiinnarnejassapput, tamatumani naliliiffigineqarsimappat pineqartup sulisinnaassusia allannguuteqarsimanani siusinaartumik pensionisiaqarnissamut tunngavineqarsimasut allannguuteqarsimanngippata.

Imm. 3. Nalilernejqarsimappat innuttaasup sulisinnaassusia malunnaateqarluartumik allannguuteqarsimasoq, taava siusinaartumik pensionisiaqartitsisarnermi pisartagaritinnejartut annikillisillugillunniit qaffasinnerusunngorlugit aaqqiivigineqarsinnaapput.

Imm. 4. Nalilernejqarsimappat innuttaasup siusinaartumik pensionisiaqartinnejqarnissaminut piumasaqaatigineqartut naammassisinnaajunnaarsimagai, taava siusinaartumik pensionisiaqartitsisarneq unitsinnejassaaq.

Imm. 5. Innuttaasoq § 9 imm. 3-mut pineqartunut ilaappat, sulisinnaassutsip naliliiffigineqaqqinissaa pinngitsoorneqarsinnaavoq.

Imm. 6. Sulisinnaassuseq pillugu isumasiuinissamik aamma sulisinnaassutsip procentikkaartumik aalajangiivigineqarnissaanut tunngavissanik, sulisinnaassutsillu nalilernejqarnissaanut

nalilersoqqinnejartarnissaanullu Naalakkersuisut malittarisassanik ersarinnerusunik aalajangersaassapput.

Uppernarsaatit aalajangiinerlu

§ 14. Piginnaangorsaareernerup naammassereernerani §§ 12 aamma 13 naapertorlugu sulisinnaassutsip naliiffigineqarnera nalilersoqqinnejarneralu kommunalbestyrelsimit suliarineqassaaq, taamaattoq tak. § 9.

Imm. 2. Kommunalbestyrelsi makku tunulequtaralugit aalajangiissaaq:

- 1) Nassuaat, pineqartup piginnaasai ilinniagaqarnerup suliaqarnerullu tungaatigut piginnaasaanik unammilligassaanillu allaatigisaqartoq kiisalu pineqartup sulisinnaassusaa pillugu ineriertortitsinissaq annertusaanissarlu suliniutinik kommunalbestyrelsi aallarnisaasimappat allaatiginnittumik.
- 2) Nassuaat, pineqartup sulisinnaassusaata ataavartumik annikillisimaneranik sunik tunngaveqarnersoq allaatiginnittumik.

Imm. 3. Suut uppernarsatissatut tunngavagineqassanersut pillugit Naalakkersuisut malittarisassanik ersarinnerusunik aalajangersaasinnaapput.

Kapitali 6

Pensionisiaqartitsinerit annertussusaat

§ 15. Siusinaartumik pensionisiaqartitsisoq annikinnerpaamik pisartagarineqarsinnaasoq, qinnuteqaateqartut sulisinnaanera 51%-imiit 75% tikillugu annertussuseqarsimassappat.

Imm. 2. Imm. 1 naapertorlugu siusinaartumik pensionisiassat annikinnerpaat ukiumut tassaapput § 17, imm. 2 naapertorlugu siusinaartumik pensionisiat annerpaartaasa affaat.

Imm. 3. Siusinaartumik pensionisiaqarnermi pisartakkat apparinnejqassapput, siusinaartumik pensionisiaqartoq aammalu taassuma apparisaata ukiumoortumik isertitarisaat, tamatumani ilanngunnagit siusinaartumik pensionisiat, utoqqalinermi pensionisiat aammalu Nunani Avannarliit akornanni isumaginninnikkut Isumaqatigiissut naapertorlugu 38.000 kr.-it sinnerpatigit ilanngullugit § 17, imm. 2 naapertorlugu siusinaartumik pensionisiat annertunerpaat affaatut tunniunneqartartut. Aparisaqarsimagaanni taassuma isertitai siullit 100.000 kr.-it ilanngunneqassanngillat.

Imm. 4. Siusinaartumik pensionisiat annikinnerpaat §§ 20 aamma 21 naapertorlugin isertitatigut tunngaviit affaannik ikilisinnejqassapput, § 17, imm. 2 naapertorlugu siusinaartumik pensionisiat annerpaartaasa affaat ilanngullugit 38.000 kr.-it ilanngaatigalugit.

§ 16. Akunnattumik siusinaartumik pensionisiaqartitsisoqassaaq qinnuteqaateqartup sulisinnaassusia 26%-ip 50%-illu akornanni annertussilerneqarsimappat.

Imm. 2. Imm. 1 naapertorlugu siusinaartumik pensionisiat akunnaatsumik annertussusillit ukiumut tassaapput § 17, imm. 2 naapertorlugu siusinaartumik pensionisiat annerpaartaasa 2/3-ii.

Imm. 3. Siusinaartumik sulisinnaajunnaarnersiutit apparinnejqassapput siusinaartumik sulisinnaajunnaarnersiuteqartoq amma taassuma apparisaata ukiumoortumik isertitai, tamatumani ilanngunnagit siusinaartumik sulisinnaajunnaarnersiutit, utoqqalinermi pensionisiat amma Nunani Avannarliit akornanni isumaginninnikkut Isumaqatigiissut naapertorlugu 38.000 kr.-it sinnerpagit

ilanngullugit § 17, imm. 2 naapertorlugu siusinaartumik sulisinnaajunnaarnersiutit annertunerpaat pingasorarterutaatut tunniunneqartartut. Aapparisaqarsimagaanni taassuma isertitai siullit 100.000 kr.-it ilanngunneqassangillat.

Imm. 4. Siusinaartumik pensionisiat akunnattumik annertussusillit §§ 20 aamma 21 naapertorlugin 2/3-nik ilanngarneqassapput, § 17, imm. 2 naapertorlugu siusinaartumik pensionisiat annerpaartaasa pingajorarterutaannik ilallugit 38.000 kr.-inik ilanngarlugit.

§ 17. Qaffasinnerpaamik siusinaartumik pensionisiaqartinneqassapput, innuttaasut 0 – 25%-ip akornanni sulisinnaassuseqartut.

Imm. 2. Siusinaartumik pensionisiat qaffasinnerpaat piffissami 1. juli 2022-miit 31. december 2022 ilanngullugu ukiumut 126.951 kr-it angullugit annertussuseqarput. Tamatuma kingorna siusinaartumik pensionisiat qaffasinnerpaat ulloq 1. januar 2023 aallarnerfigalugu ukiumut 129.870 kr-it angullugit annertussuseqarput.

Imm. 3. Siusinaartumik pensionisiat apparneqassapput siusinaartumik pensionisiaqartoq appaqarpallu taassuma appaata ukiumut ataatsimut piffissami pineqartumi isertitaat siusinaartumik pensionisiat, utoqqalinersiat aamma pensionisiat Nunani Avannarlerni isumaginninnikkut sillimmasiisarnernik aaqqissuussinerit naapertorlugit 38.000 kr.-it qaangersimagaangatigit. Aappaqaraanni aapparisap isertitaani 100.000 kr.-it siullit ilanngullugit naatsorsuunneqassangillat.

Imm. 4. § 17, imm. 2 naapertorlugu, siusinaartumik pensionisiallit pisinnaatitaapput tunngaviusumik pensionisiani qaffasinnerpaamik siusinaartumik pensionit 50 %-iinik pisassallutik, appaqarsimaganik apparisata piffissami pineqartumi tamakkiisumik isertitariunnagaasa annertussusii apeqquaatinngit. § 17, imm. 2 naapertorlugu, tunngaviusumik pensionisiat apparneqassapput, siusinaartumik pensionisiallip ukiumut tamarmiusunik piffissami pineqartumi isertitaasa, siusinaartumik pensionisiat, utoqqalinersiat pensionisiallu Inunnut Isumaginninnikkut isumannaallisaaneq pillugu Nunat Avannarluit isumaqatigiissutaat malillugu akiliutigineqarsimasut, ilanngunnagit, 38.000 kr.-t, qaffasinnerpaamik pensionisiat 50 %-ii ilanngullugit, sinnerpatigit. § 15 imm. 4. naapertorlugu appartitsisoqassaaq appasinnerpaamik siusinaartumik pensionisanut aningasanut killiliussat assingi malillugit. § 17, imm. 6 atorneqassangilaq.

Imm. 5. Siusinaartumik pensionisiallip sulisinnaassusia nalilersuiffigineqaqqissaqq, pineqartup pensionisiat saniatigut 80.000 kr.-ninik isertitaqarsimassappat. Qaffasinnerpaamik pensionisiaqarnera allanngortinneqassangilaq pineqartup sulisinnaassusianik nalilersuiffigineqarnerani.

Imm. 6. §§ 20 aamma 21-ni taaneqartutut qaffasinnerpaamik pensionisiat 100 %-imik apparneqassapput, isertitatigut toqqammaviusut 38.000 kr.-inik ilanngarlugit qaffasinnerusimassappata.

§ 18. Procenti aaqqiissutissaq Kalaallit Nunaanni Naatsorsueqqissaartarfui naatsorsugaa tunngavigalugu § 17, imm. 2 malillugu siusinaartumik pensionisiat amerlassusissaat aaqqiivigineqartassapput. Siusinaartumik pensionisiat qaammatini aaqqaneq-marlunni kingullerni procentimut aaqqiissutissamat allannguutissatut naatsorsorneqartoq 1. julimeersoq tunngavigalugu aaqqiivigineqartassapput. Ukiumut ataasiarluni 1. januar aallarnerfigalugu atuuttussatut aaqqiisoqartassaaq.

Imm. 2. Akit il.il. pillugit nalilersuinerit annertussusaat 1. januarimiit toqqammavagineqalersussat pillugit Naalakkersuisut avammut nalunaaruteqartassapput.

§ 19. § 17 naapertorlugu qaffasinnerpaamik siusinaartumik pensionisiaqartitsineq immikkut pisooqartillugu, naleqquttumik akissarsiaqarfiusumik suliffeqalernissamut piffissami ikaarsaarfiusumi, akuersissutigineqarsinnaavoq sivisunerpaaamik ukiut ataasiakkaarlugit, naak siusinaartumik pensionisiaqartoq sulisinnaassutsimigut qaffasinnerpaamik siusinaartumik pensionisiaqarnissamut pisinnaatitsinngikkaluartoq. Tamanna immikkut pissutsini atuutissaq najugaqarfigisami naleqquttumik akissarsiaqarfiusumik siusinaartumik pensionisiaqartoq suliffissaqartinneqanngippat. Siusinaartumik pensionisiaqartoq naleqquttumik suliffissarsisinnaanissaa imaluunniit suliffimmik naleqquttumik pilersitsinssaq ingerlaavartumik periarfissarsiuussissalluni kommunalbestyrelsip pisussaaffigaa.

Imm. 2. Suliffeqarnissamut periarfissaqartillugu kommunalbestyrelsi innersuussisassaaq. Siusinaartumik pensionisiaqartoq suliffimmut innersuunneqartumut suliffik tulluartuutillugu tigusisussaatitaavoq.

Imm. 3. Qaffasinnerpaamik siusinaartumik pensionisiaqartitsineq atorunnaassaaq qaffasinnerpaamik siusinaartumik pensionisiaqartitsinermut aallaqqaammut piumasaqaataasut eqquutsinnejnarunnaarpata imaluunniit imm. 2 naapertorlugu suliffimmut innersuunneqartumut siusinaartumik pensionisiaqartoq itigartitsippat.

Imm. 4. Qaqugukkut suliffik tulluartuunersoq pillugu Naalakkersuisut malittarisassanik ersarinnerusunik aalajangersaasinnaapput.

Kapitali 7

Pensionit aningaasartaasa nalimmassartarneri, tunniussisarneq il.il.

Pensionit aningaasartaasa nalimmassartarneri

§ 20. Siusinaartumik pensionisiat ukiut tamaasa 1. januaarimi aaqqiivigineqartassapput, tak. §§ 15-18.

Imm. 2. Siusinaartumik pensionisiat ataavartumik aaqqiivigineqartassapput isertarisat annertuumik allannguiteqarsimappata, tak. §§ 15-17. Allannguutit atuutilersinneqassapput isertitat allanngorneraniit qaammatip tulliuttumi aallaqqaataanniit atuutilersuimik.

Imm. 3. Siusinaartumik pensionisiat tunniunneqartalernerannit aammalu piffissami isertarisat annertuumik allannguiteqarsimatillugit, siusinaartumik pensionisiat naatsorsorneqassapput isertitariligassatut naatsorsuutigineqartut toqqammavigalugit.

§ 21. Siusinaartumik pensionisiaqartoq qitornartaarsimalluni sulinngiffeqarnermut atatillugu isertitami ilaaniq annaasaqarpat, siusinaartumik pensionisiat piffissami sulinngiffeqarfiusumut nalimmassarneqassapput.

Paaqqinnittarfinni il.il. inissisimagallarneq

§ 22. Siusinaartumik pensionisiaqartoq paaqqinnittarfimmut il.il. angerlarsimaffiup avataanut inissinneqarallarpattassanilu najugaqarneq pisortanit akilersorneqarpat, aamma siusinaartumik

pensionisiaqartoq pilersuisussaatitaaffeqarpat imaluunniit angerlarsimaffimmut aningaasartuuteqarpat, siusinaartumik pensionisiat allannguuteqassanngillat.

Paaqqinnittarfinnut il.il. sivisunerusumik inissinneqarneq

§ 23. Angerlarsimaffiup avataanut paaqqinnittarfimmuit il.il. sivisunerusumik inissisoqartillugu tassanilu najugaqarneq pisortanit akilersorneqarpat, qaammammi nuuffusumi aamma qaammammi tulliuttumi siusinaartumik pensionisiat allannguuteqassanngillat, tamatumalu kingorna siusinaartumik pensionisiat qaffasinnerpaaffisa 20 pct-ii tunniunneqartassapput.

Paaqqinnittarfimmiennermi tapit il.il.

§ 24. Siusinaartumik pensionisiaqartoq inissinneqartoq, tak. §§ 22-23, pissutsit ataasiakkaat nalilersuiffigneratigut inuttut tapeqartinneqarsinnaavoq. Meeqyanut tapisiaqartoqartillugu taakkununnga pisinnaatitaaffik allannguuteqassanngilaq.

Imm. 2. Siusinaartumik pensionisiaqartoq angerlarsimaffigisami avataani inissismajunnaarpat, qaammatip tulliuttup aallaqqaataa aallarnerfigalugu siusinaartumik pensionisiat tunniunneqartarneri nanginneqassapput, tak. § 23.

Ilanngaassisarneq aamma nammineq akiliisarneq

§ 25. Angerlarsimaffiup avataani inissismanermi siusinaartumik pensionisanik tunniussisarneq pillugu, ilaagitugt paaqqinnittarfinni il.il. inissismanermi siusinaartumik pensionisanik ilanngaassisarneq pillugu, kiisalu isumaginninnermi ulloq unnuarlu angerlarsimaffimmi inissinneqarnermi nammineq isertitaqarneq pissutigalugu akiliisarneq ilanngullugu Naalakkersuisut malittarisassanik ersarinnerusumik aalajangersaassapput.

Kapitali 8

Tapisiat

Meeqyanut tapit

§ 26. Siusinaartumik pensionisiallit meeqyanut 18-it inorlugit ukiulinnut pilersuisussaatitaasut meeqqat ataasiakkaarlugit tapisiaqaatigissavaat. Tapiutit tapiutigineqartassapput pilersuisussaatitaaneq toqqaannartumik pilersuinerunersoq imaluunniit meeqyanut akilersuutinik akiliisarnikkut equuutsinneqarnersoq apeqqutaatinngagu.

Imm. 2. Pilersuisussaatitaaneq meeqyanut akilersuutinik akiliinikkut equuutsinneqarpat, aningaasat meeqyanik akilersuutinik tigusisinnaatitaasumut il.il. meeqyanut kiisalu qitornavissiartaarnermi tapinut Inatsisartut peqqussutaanni malittarisassat naapertorlugit tunniuneqartassapput.

Imm. 3. Meeqyanut tapit siusinaartumik pensionisiaqartunut nunattalu avataanut nunassissimasunut tunniunneqartussaanngillat.

§ 27. Meeqqanut tapit tunniunneqartarunnaassapput kinguliini patsisissaatitaasoq ataaseq arlallilluunniit eqquutsinnejarpata:

- 1) Meeqqanik inuuusuttunillu ikorsiisarneq pillugu Inatsisartut peqqussutaat malillugu meeraq angerlarsimaffiup avataanut inissinneqarsimappat imaluunniit pisortanit tamakkiisumik pilersorneqarpat,
- 2) Meerarineqartoq ilinniagaqarnersiutisiaqarpat, matumani aamma sulilluni sungiusarnerup nalaani tamatumunnga malittarisassat malillugit pisartagaqarpat,
- 3) Meerarineqartoq apparminut, nalunaarsukkamik apparminut meeqqamulluunniit nammineq pilersuisussaatitaalerpat.

§ 28. Meeqqamut tapeq nalinginnaasumik meeqqanut tapip agguerneratigut naatsorsorneqarsimasoq qaammatikkaartumik ukiumoortumik aningasanut inatsimmi aalajangiiffiqeqarsimanera toqqammavigalugit tunniunneqartassaaq, takuulli imm. 3.

Imm. 2. Pilersuisut tamarmik siusinaartumik pensionisiaqartuusimappata, siusinaartumik pensionisialinnut tamanut meeqqamut ataatsimut tapisiaq ataaseq tunniunneqartassaaq.

Imm. 3. Siusinaartumik pensionisiaqartoq meeqqamut tapimik akiliisussanngortitaasimappat, allatut isikkoqartumik akiliuteqartarnissaq isumaqatigiissutigineqarsimanngippat ukiup affakkaartumik tapisiaq tunniunneqartassaaq.

Imm. 4. Meeraq pineqartoq siusinaartumik pensionisialimmi najugaqarsimassanngippat, aammalu siusinaartumik pensionisialik akiliuteqartarnissamut pisussaaffilerneqarsimappat, meeqqamut tapeq inersimasumut akisussaatinneqartumut tunniunneqartassaaq.

Inummut tapit

§ 29. Inummut tapit communalbestyrelsimit akuersissutigineqartarput inuit ataasiakkaat pisariaqartitaat nalilersuiffigineqareernerisigut soorlu imaattut:

- 1) ingerlaavartumik pisartakkutut sivisunerpaamik ukiumut ataasiakkaarlugit aalajangersarneqartunik, imaluunniit
- 2) immikkut pisariaqartitat matussuserniarlugit ataasiarluni ikiorneqarneq, ilaatigut makkununnga:
 - a) isarussat,
 - b) atisat,
 - c) pequtit,
- d) Kalaallit Nunaata iluani angalanermut aningasartuutit naleqquttut, aamma
- e) ataasiaannarluni aningasartuutit allat pisariaqartutut naatsorsuutigineqartut.

Imm. 2. Kalaallit Nunaata avataanut angalanerit ataasiartumik ikorsiissutitut tunniunneqarsinnaannillat.

Imm. 3. Inuttut tapit utertillugit akileeqquneqarsinnaapput:

- 1) illersorneqarsinnaanngitsumik aningasanik aqtsinerlunneq pissutigalugu inuttut tapit tunniunneqarpata, imaluunniit
- 2) siusinaartumik pensionisiaqartoq inuttut tapinik pisartagaqartoq kingusinnerusukkut aningasanik piffissamut pineqartumut inuttut tapinik assinganik siunertaqartumik pissarsisimappat.

Imm. 4. Utertillugit akileeqqusineq aatsaat piumasarineqarsinnaavoq siusinaartumik pensionisiaqartumut tapinik aningasaliissuteqarnermut atatillugu utertitsisussaatitaanermik ilisimatitsisoqarsimappat.

Imm. 5. Siusinaartumik pensionisiaqartumut Kalaallit Nunaata avataani aalajangersimasumik najugaqartumut inuttut tapit tunniunneqassanngillat.

Imm. 6. Inuttut tapit pillugit Naalakkersuisut malittarisassanik ersarinnerusunik aalajangersaasinnaapput.

Kapitali 9

Allaffissorneq

§ 30. Inuit Kalaallit Nunaanni najugallit siusinaartumik pensionisianik, meeqqanut tapinik inuttullu tapinik qinnuteqaat kommunalbestyrelsimit tunniutissavaat. Inuit kommuneqarfit killilersugaanerisa avataanni najugallit siusinaartumik pensionisianik, meeqqanut tapinik inuttullu tapinik qinnuteqaat Naalakkersuisunut tunniutissavaat

Imm. 2. Isumaginninnikkut isumannaallisaaneq pillugu Nunat Avannarliit isumaqatigiissutaat naapertorlugu siusinaartumik pensionisianik qinnuteqaat Naalakkersuisunut tunniunneqassaaq

Imm. 3. Inuuup nammineerluni qinnuteqarsimangngitsup siusinaartumik pensionisiat pillugit kommunalbestyrelsi suliassamik aallartitsisinnaallunilu aalajangiisinjaavoq.

§ 31. Siusinaartumik pensionisiliaqalernissamik pisinnaatitaaffeqalerneq pissaaq piumasaqaatit naammassineqareerpataammakommunalbestyrelsisiusinaartumikpensionisiaqalernissamik qinnuteqaammut akuersaartumik aalajangeereernerata kingorna qaammatip aallaqqataani.

§ 32. Inuit siusinaartumik pensionisiallit qinnuteqaqqaanngikkaluarlutik utoqqalinermi pensionisianik pisartagaqalissapput utoqqalinermi pensionisiaqalersinnaaneq naak taakkuninnga pisartagaqartinneqarnissaq qinnutiginngikkaluarlugu angusimagunikku, inatsit manna tunnavigalugu pisartagarineqartut tamarmik ingerlaannartumik unitsinneqassapput.

Kapitali 10

Paasissutissiisussaatitaaneq, siusinaartumik pensionisiat atorunnaarsinneqarnerat misissuinissamullu pisinnaatitaaffik

§ 33. Siusinaartumik pensionisiallip kommuuni imaluunniit Naalakkersuisut ilisimatittussaavai isertitatigut atugarisani allannguuteqarsimappata imaluunniit aningaasaqarniarnermi toqqammavigisat allannguuteqarsimappata, imatut paasillugu pisartagaqarsinnaanermut toqqammaviusut nalilersoqqinnejarnissaat pisariaqalersimasoq, soorlu pisartakkat unitsikkallartussanngortinnejarnerannik atorunnaarsinneqarnerannilluunniit kinguneqarsimmasinnaallutik.

Imm. 2. Siusinaartumik pensionisiat tunniunneqartarnerat unitsinneqassaaq, pisartagaqartitsinermut toqqammaviusut atorunnaarsimassappata.

Imm. 3. Siusinaartumik pensionisiaqartinneqartup paasissutissiisussaatitaaneq sumiginnarsimaguniuk imm. 1 malillugu ilisimaarinninnini imaluunniit ilisimaarinnittariaqarnini naapertorlugu, eqqunngitsumik tunngaveqarluni siusinaartumik pensionisiassanik pissarsisarsimaguni, taava eqqunngitsumik tunngaveqarluni pissarsiarisimasani utertittussanngussavai. Tamatuma saniatigut communalbestyrelse

pisinnaatitaavoq ingerlaavartumik pensionisiarineqartunit allaninngaanniit matussusiissalluni, tamatumanili pineqaratik meeqqanut tapisiat.

§ 34. Kommunalbestyrelsip pisussaaffigivaa siusinaartumik pensionisiaqartitsisarnermi tunniunneqartartut nakkutigissallugit, tassuunalu nakkutigissallugu siusinaartumik pensionisiaqarnissamut pisartagaqartariaqanngitsut pissarsitinneqartannginnissaat.

Kapitali 11

Tunniussaqarneq

§ 35. Siusinaartumik pensionisiat tapiusinnaasullu tunniunneqartassapput qaamatikkaartumik siumoortumik.

§ 36. Kommunalbestyrelsip nalilerpagu siusinaartumik pensionisiaqartoq nammineq aningasaatiminik aqutsisinnaangitsoq, aalajangiisoqarsinnaavoq siusinaarluni pensionisiat tunniunneqartarnerinik aqutsisoqarnissaa, uani ilaallutik inummut namminermut tapit aamma meeqqanut tapit tunniunneqarneri. Taamatut aalajangiinerup nassataraa, kommunalbestyrelsi aalajangiisinnaasoq inunnut ataasiakkaat pensionisiat tunniunneqartarnerannut atatillugu nalinginnaasumik maleruagassat ileqqullu atorneqartut avaqqullugit tunniussisarnissaminut, taamaasiornikkulluqulakeerniarneqassasoq siusinaartumik pensionisiaqartupinuuniarnermini aalajangersimasumik akilertakkani akilertarlugillu saniatigut inuussutissaqarnissaminut akissaqartassasoq.

§ 37. Siusinaartumik pensionisiaqarnissamut piumasaqaataasut eqqortinneqarunnaarpata pisartagaqartitsineq qaamatip tulliuttup naaneranit unitsinnejqarnissaa kommunalbestyrelsimit aalajangiiffiqeqassaaq. Tunniunneqartartunilli unitsitsineq, Kalaallit Nunaat qimallugu nuunnermi qaamatip nuuffiusup naanerani pisassaaq, tak. § 7 b, taamaattorli nunani avannarlerni nunamut allamut imaluunniit nunamut allamut EØS-imik isumaqatigiisummut atasumut piumasaqaatinik nuunnermi equuutsitsisoqarsimappat unitsinnejqassangillat.

Imm. 2. Siusinaartumik pensionisiallip maqaasineqarluni nalunaarutigineqarneraniit qaamatit pingasut qaangiunneranni uumaneralu upternarsarnejqarsinnaanngippat pisartagaqartitsineq qaamatip tulliup aallaqqaataanit unitsinnejqassaaq. Siusinaartumik pensionisiaqarneq atuukkunnaassaaq, siusinaartumik pensionisiaqarnerup unitsinnejqarneraniit ukiup ataatsip qaangiunnerani siusinaartumik pensionisiallik suli uumanersoq upternarsarnejqarsinnaanngippat. Taamatut pisoqarsimatillugu siusinaartumik pensionisiassat unitsitsigallernerup nalaani pineqartussaagaluit tunniunneqanngitsoornissaat.

Imm. 3. Siusinaartumik pensionisiallip toqukkut qimagunneranut atatillugu aappaqarsimappat apparisimasaanut siusinaartumik pensionisiat qammammi toqukkut qimaguffiusup naaneraniit qaamatit marluk tunniunneqassapput.

Kapitali 12

Ilanngaasiisinjaatitaaneq

§ 38. Siusinaartumik pensionisiat akiligassanut allatulluunniit pinngitsaalisaasumik akiliisitsiniarnermi pisortanut akiligassaqartoqartillugu taamaallaat attuumassuserneqarsinnaapput.

Kapitali 13

Naamagittaalliuuteqarsinnaaneq

§ 39. Inatsisartut Inatsisaat manna toqqammavigalugu kommunalbestyrelsimit aalajangiisimanerit inatsisartut peqqussutaat Inunnik Isumaginninnerup aqunneqarnera aaqqissuusaaneralu pillugit aalajangersakkat naapertorlugit Isumaginninnermi Maalaaruteqartarfimmuit suliassanngortinneqarsinnaapput, taamaattorli takuu imm. 2.

Imm. 2. §§ 12 aamma 13 malillugit sulisinnaassutsip naliliiffigineratigut naliliiffigeqqinneratigullu sulisinnaassutsimut procentip aalajangersaaffigineqarnera pillugu kommunalbestyrelsip aalajangiineri Siusinaartumik pensionisiaqarnermut maalaaruteqartarfimmuit maalaarutigineqarsinnaapput. Aalajangiinermit sapaatit akunnerisa 6 iluanni maalaarut Siusinaartumik pensionisiaqarnermut maalaaruteqartarfimmuit tunniunneqassaaq.

Imm. 3. Siusinaartumik pensionisiaqartitsineq pillugu sulisinnaassutsip nalilerneqarneranut aamma pissutsit allat pillugit maalaarut imaqartoq, aallaaviatigut Siusinaartumik pensionisiaqarnermut maalaaruteqartarfimmuit suliarineqassaaq

Imm. 4. Siusinaartumik pensionisiaqartitsisarneq pillugu maalaaruteqartarfimmuit aalajangikkat, ingerlatsiveqarfinnut allanut suliassanngorteqqinneqarsinnaannngillat.

Kapitali 14

Aningaasalersuineq naatsorsuuserinerlu

§ 40. Siusinaartumik pensionisianut, meeqqat tapiinut inuttullu tapinut aningaasartuutit kommuninit tamakkiisumik akilerneqartassapput, takuu § 44.

Imm. 2. Siusinaartumik pensionisiallit kommunit agguataarnerisa avataani aalajangersimasumik najugaqartut pensionisiaannut, meeqqanut tapisiaannut inummullu tapisiaannut aningaasartuutit Nunatta Karsianit akilerneqartassapput.

Imm. 3. Siusinaartumik pensionisialinnut Kalaallit Nunaata, Danmarkip Savalimmiulluunniit avataanni aalajangersimasumik najugaqartunut, siusinaartumik pensionisianut aningaasartuutit Nunatta karsianit akilerneqartassapput.

Imm. 4. Inatsisartut peqqussutaannik aqtsinermut aningaasartuutit oqartussaasutut akisussaasumit akilerneqartassapput.

§ 41. Qaammatit ukiup naanerata kingorna kingusinnerpaamik kvartalip siulliup qaangiunneraniit qaammatip ataatsip qanngiutinnginnerani kommunimi siusinaartumik pensionisianik pisartagaqartut pillugit kisitsisitigut paassisutissat communalbestyrelsip Naalakkersuisunit nalunaarutigissavai.

Imm. 2. Paassisutissat nalunaarutigineqartussat imarisasaat ilusilersorneqarnissaallu pillugit malittarisassat Naalakkersuisunit aalajangersarneqassapput.

Kapitali 15

Atuutilersitsinermi ikaarsaariarnermilu aalajangersakkat

§ 42. Inatsisartut inatsisaat 1. juli 2016 atuutilerpoq.

Imm. 2. Peqatigisaanik siusinaartumik pensionisiat pillugit Inatsisartut peqqussutaat nr. 4, 7. maj 2007-imeersoq aamma Siusinaartumik pensionisiat pillugit Namminersornerullutik Oqartussat nalunaarutaat nr. 13, 27. juni 2007-imeersoq atorunnaarsinneqassapput.

§ 43. Siusinaartumik pensionisialik inatsisip atuutsilernerani 60-nik ukioqalereersimanngitsoq, ukiut 5-t qangiutsinnagit Inatsisartut inatsisaat manna toqqammavigalugu sulisinnaassutsiminnik naliliiffineqartussaapput. Siusinaartumik pensionisialik inatsisip matuma atuutsilernerani 60-nik ukioqalereersimasoq imaluunniit § 9 imm. 3-naapertorlugu naliliiffineqarsimaguni, nammineq aalajangiiffigisinnaavaa ilumut sulisinnaassutsini pillugu nalilersitsikkusunnerluni.

Imm. 2. Siusinaartumik pensionisialik inatsisip atuutilerneraniit ukiut 5-t ingerlanerini sulisinnaassutsiminnik nalilersuiffingineqarnikuunngitsoq, tak. imm. 1, ukiuni tulliuttuni siusinaartumik pensionisiaqarnermi pensionisanik qaffasinnerpaanik pisartagaqartinneqassaaq.

Imm. 3. Siusinaartumik pensionisialik inatsisip atuutilernerani 60-nik ukioqalereersimasoq, imaluunniit § 9, imm. 3 naapertorlugu inissismasuusimasoq, § 17 naapertorlugu siusinaartumik qaffasinnerpaanik pensionisiaqaannassooq tamatumani kr. 80.000-it sinnerlugit saniatigut isertitaqarsimanngikkuni aammalu nammineerluni sulisinnaassutsini pillugu nalilersuiffigitinnissani kissaatigisimanngikkuniuk.

Imm. 4. Siusinaartumik pensionisiallit inatsisip atuutilernerani suli 60-nik ukioqalersimanngitsut, sulisinnaanertik pillugu nalilersuiffingineqarsimanngitsut siusinaartumik pensionisaat imannak annertussuseqarput:

- 1) siusinaartumik pensionisialik kisermaaq ukiumut 109.000 kr.
- 2) siusinaartumik pensionisialik aappalik, tamatumanilu aapparisaq pisortanit pensionisiaqarsimanngippat ukiumut 109.000 kr.
- 3) siusinaartumik pensionisialik aammalu inooqatigalugu aapparisa siusinaartumik pensionisialik ukiumut 81.750 kr.
- 4) siusinaartumik pensionisialik utoqqalinermut pensionisialimmik inooqatigalugu aappalik ukiumut 71.286 kr.

Imm. 5. Imm. 4-mi pisartakkat taaneqartut Nunatsinni Naatsorsueqqissaartarfuiup pisiassat aiki pillugit nalunaarsuisarnera (forbrugerprisindeks) naapertorlugu allannguutai naapertorlugit aaqqiivigineqartassapput. Siusinaartumik pensionisiat 3%-mik aaqqiivigineqartassapput, pisiassanut akit 3%-mik allannguuteqarsimagaangata. Aaqqiissuteqarneq pisassaaq tulliuttumi 1. januar-imiit, tamatumanimi aallaavagineqassamat 1. julimi nioqqutissat akiisa naatsorsorneqarneranni killiffigisaq.

Imm. 6. 1. januarimi aqqiissutigineqartussat pillugit Naalakkersuisut avammut nalunaaruteqartassapput.

Imm. 7. Siusinaartumik pensionisiat apparinnejassapput siusinaartumik pensionisialik aapparisaaluunniit, saniatigut imak isertitaqarnerat pissutigalugu, tamatumanili pineqanngillat Nunani Avannarlerni lsumaginninnikkut sillimmatit pillugit lsumaqtigissutit:

- 1) Ukiumut 28.000 kr.-nit siusinaartumik pensionisialimmut kisermaamut.
- 2) Aappariinnut ukiumut 42.000 kr.-nit, tamarmik siusinaartumik pensionisiaqarsimappata.
- 3) Aappariinnut 42.000 kr.-nit arlaa siusinaartumik pensionisiaqarsimappat, aappaalu pisortanit pensionisiaqartinneqarsimanngippat.

4) Aappariinnut 70.000 kr., arlaa siusinaartumik pensionisiaqarsimappat, aappaalu utoqqalinermut pensionisiaqarsimalluni.

Imm. 8. Siusinaartumik pensionisiat appaallatsinneqartassapput saniatigut isertitaqarneq apeqqutaatillugu, taavalu tunniunneqartarunnaassallutik isertitarisat ukunanit annertunerulersimassappata:

- 1) Siusinaartumik pensionisialik kisermaaq ukiumut 180.000 kr.-nit.
- 2) Siusinaartumik pensionisiallit aappariit tamarmik siusinaartumik pensionisiallit, 270.000 kr.-nit.
- 3) Siusinaartumik pensionisialik aapparisaalu pisortanit pensionisiaqartinnejanganngitsoq, aappariinnut ukiumut 270.000 kr.-nit.
- 4) Siusinaartumik pensionisiallimmut aapparisaa utoqqalinermut pensionisialik, aappariinnut ukiumut 300.000 kr.-nit.

Imm. 9. § 17, imm. 2 naapertorlugu, siusinaartumik pensionisiallit, taakku ilagalugit siusinaartumik pensionisiallit Inunnut Isumaginninnikkut isumannaallisaaneq pillugu Nunat Avannarliit isumaqatigiissutaannut ilaasut, siusinaartumik pensionisiat qaffasinnerpaartaasa 20 procentiinik pisassapput, aappaqarsimaguni aapparisaata piffissami pineqartumi isertitarisartagaat tamarmiusut apeqqutaatinnagit.

Imm. 10. Naalakkersuisut siusinaartumik pensionisiat pillugit isertitatigut killissarititat qanoq annertutigissanersut aalajangersaavigisassavaat.

Imm. 11. Imm. 4-8-mi pisartakkat qummullu killissarititat taaneqartut atorunnaassapput, siusinaartumik pensionisiaqartarnermut nalilersuineq isumannaarneqarsimappat, kingusinnerpaamillu inatsisip atuutilerneraniit ukiut 5-t qaangiunnerisigut.

§ 44. Inatsisip atuutilereernerani ukiut tallimat ingerlanerini siusinaartumik pensionisanut meeqqanullu tapiissutinut aningaasartuutit affaat nunatta karsianit affaallu kommunimit § 26 naapertorlugu akilerneqassapput. § 29 naapertorlugu inummut tapinut aningaasartuutit kommunimit akilerneqassapput.

Inatsisartut inatsisaata nr. 19, ulloq 28. november 2016-imeersup (Inatsisip kalaallisut oqaasertaani § 31-mik iluarsiineq)^[i] atuutsitsilernissamut aalajangersagaq una imaraa:

§ 2

Inatsisartut inatsisaat ulloq 1. december 2016 atuutilissaq.

Imm. 2. Piffissami ulloq 1. juli 2016-imiit Inatsisartut inatsisaata matuma atuutilersinneqarnerata tungaanut siusinaartumik pensionisiaqalernissamik qinnuteqarnermi, siusinaartumik pensionisiaqalernissamik pisinnaatitaaffeqalerneq pissaaq, qinnuteqarnermiit piumasaqaatillu naammassineqarnerannit qaammatip tulliata aallaqqaataanit.

Inatsisartut inatsisaata nr. 40, 23. november 2017-imeersup (Qaffasinnerpaamik siusinaartumik pensionisianik pisartagaqartunut tunngaviusumik pensionisiaqartarnerup atulersinneqarnissaa,

siusinaartumik pensionisialinnut kapitali 7-im ikaarsaarnissami aalajangersakkami pineqartunut 20 pct.-imut malittarisassap atulersinneqaqqinnissaa, angalanermi aningaasartuutit naleqquttut pillugit § 29, imm. 1-ip erseqqissarneqarnissaa aamma § 33, imm. 3, aamma § 36 inatsisip kalaallisut oqaasertaani naqqiineq) [ii] atuutsitsilernissamut aalajangersagaq una imaraa:

§ 2

Inatsisartut inatsisaat atuutilissaq ulloq 1. januar 2018.

Inatsisartut inatsisaata nr. 6, 27. november 2018-imeersup (Oqaatsitigut naqqiutit) [iii] atuutsitsilernissamut aalajangersagaq una imaraa:

§ 2

Inatsisartut inatsisaat atuutilissaq 1. december 2018.

Inatsisartut inatsisaata nr. 28, 28. november 2019-imeersup (Kalaallit Nunaanni, Danmarkimi Savalimmiunilu kommunit akornanni paasissutissanik paarlasseqatigiittarneq, nuunnermi siusinaartumik pensionisianik qaammatini 12-ini attassiinnarnissaq, ingerlaannartumik qaffasinnerpaanik siusinaartumik pensionisianik pisartagaqalersitsineq) [iv] atuutsitsilernissamut aalajangersagaq una imaraa:

§ 2

Inatsisartut inatsisaat ulloq 1. januar 2020-mi atuutilissaq.

Inatsisartut inatsisaata nr. 6, 19. november 2020-meersup (Qulaajaanerit, piginnaanngorsaqqinerit, najukkani pissutsit pissutigalugit tapiissuteqartitsigallernerit aamma Siusinaartumik pensionisiaqarnermut maalaruteqartarfimmut maalaruteqarsinnaaneq pillugu erseqqissaaneq) [v] atuutsitsilernissamut aalajangersagaq una imaraa:

§ 2

Inatsisartut inatsisaat atuutilissaq 1. januar 2021.

Inatsisartut inatsisaata nr. 7, 19. november 2021-meersup (Inunnut nungullarsimasunut utoqqalinersiaqalernissamut ukioritatit 65-it, aaqqiinermi tunngaviusumik allannguineq) [vi] atuutsitsilernissamut aalajangersagaq una imaraa:

§ 3

Inatsisartut inatsisaat manna inatsisartut inatsisaata saqqummiunneqarnerata aqaguani atuutilissaaq, aamma 1. januar 2021-miit atuutilissalluni.

Imm. 2. Naak § 1, nr. 1 malillugu utoqqalinersiaqartinneqarnissamut ukiorititanut piumasaqaatinik naammassinnissinnaanngikkaluarlutik, inuit utoqqalinersiaqartinneqarnissamik aalajangiiffingineqareersut utoqqalinersiaqarsinnaatitaanertik annaassanngilaat.

Inatsisartut inatsisaata nr. 9, 20. juni 2022-meersup (Utoqqalinersiaqartunut utoqqalinersiat toqqammaviusut qaffanneqarneri, siusinaartumik utoqqalinersiat qaffasinnerpaat qaffanneqarneri aamma ilanngaassinninnermi aningaasat tigummiinnagassat qaffanneqarneri)^[vii] atuutsitsilernissamut aalajangersagaq una imaraa:

§ 3

Inatsisartut inatsisaat una atortuulissaaq ulloq 1. juli 2022.

Inatsisartut inatsisaata nr. 18, 21. novembari 2022-meersup (Siusinaartumik pensionisianik annikinnerpaamik aamma akunnattunik pisartagaqartup aningaasat tigummiinnagassaasa qaffanneqarneri kiisalu siusinaartumik pensionisiat qaffasinnerpaat pillugit inatsisinut periutsit atorlugit iluarsineri)^[viii] atuutsitsilernissamut aalajangersagaq una imaraa:

§ 2

Inatsisartut inatsisaat 1. januar 2023 atuutilerpoq.

Inatsisartut inatsisaata nr. 36, 13. juni 2023-meersup (Utoqqalinersialinnut toqqammaviusumik utoqqalinersianik iluarsilineq aamma siusinaartumik pensionisianik qaffasinnerpaanik iluarsilineq)^[ix] atuutsitsilernissamut aalajangersagaq una imaraa:

§ 3

Inatsisartut inatsisaannik tamanut saqqummiussinerup aqaguani Inatsisartut inatsisaat manna atuutilissaaq, aamma utoqqalinersiaqarnermut siusinaartumillu pensionisiaqarnermut 1. juli 2022-miit sunniuteqalersumik atuutilissalluni.

Isumaginninnermut, Suliffeqarnermut Nunamullu Namminermut Naalakkersuisoqarfik
ulloq 11. september 2023

Martha Abelsen (atsior.)
Naalakkersuisoqarfimmi pisortaaneq

/ Karen Kiær Jakobsen (atsior.)

- [i] Inatsimmik allannguineq § 31-imut.
- [ii] Inatsimmik allannguineq § 17, imm. 3, § 17, imm. 4, § 29, imm. 1, § 29, imm. 2, § 33, imm. 3, § 36 aamma § 43, imm. 9. -mut tunngassuteqarpoq
- [iii] Inatsimmik allannguineq §§ 17, imm. 4, 2. pkt.-imut aamma 29-mut tunngassuteqarpoq
- [iv] Inatsimmik allannguineq § 7a, § 7b, § 7c aamma § 37, imm. 1, pkt. 2-mut tunngassuteqarpoq
- [v] Inatsimmik allannguineq § 8, § 9, § 13, imm. 5, § 39, imm. 2-4, § 43, imm. 1, pkt. 2 aamma § 43, imm. 3-mut tunngassuteqarpoq.
- [vi] Inatsimmik allannguineq § 18, imm. 1-mut tunngassuteqarpoq.
- [vii] Inatsimmik allannguineq § 17, imm 2-mut aamma 3-mut.
- [viii] Inatsimmik allannguineq § 15, imm 3 aamma 4, § 16, imm 3 aamma 4 aamma § 17, imm 4 aamma 6-mut tunngassuteqarpoq.
- [ix] Inatsimmik allannguineq § 17, imm 2.

Namminersorlutik Oqartussat
Imaneq 4
3900 Nuuk
E-mail: nsninatsit@nanoq.gl

Linkit iluaqutaasussat
Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviit
Naalakkersuisut

